

مباراة التصدي ١٩٦٦م

بين الشاعرين عبد الجليل وهبي وزين شعيب

جرت مساء السبت ٨ كانون الثاني ١٩٦٦م على مسرح سينما كرمينك -
النهر، مباراة التحدي الثانية بين الشاعرين عبد الجليل وهبي وزين شعيب، وها
نحن نثبتها فيما يلي كما نقلناها عن آلة التسجيل.

افتتح الحفلة بكلمة وطنية رائعة الممثل القدير الاستاذ غسان مطر، وتبعه
على الكلام الشاعر جان رعد بقصيدة هذا نصها:

الخلق هالحرّف يعطيه العوافي	كتب بوصيتو أوعا التجافي
وكلف بعد منو الحاملينو	اطلقو حریتو لأبعد مسافي
ما كنت بقول كانو ظالمينو	لو ما صار يحكي عا شفافي
وانتو بتعرفو يا قاشعينو	شو حطولو على جبينو إضافي
عطوه «سكون» تايسكن حنينو	«وبفتحه» تا انفتح قلبو مضافي
«وكسره» تا كسر فيها يمينو	«وبضمه» انضم اسمو للصحافي
وعاد انحط «شدّه» عاجبينو	تامانقول هالمسكين حافي
وقد ما حبر صارو ساقيينو	تبّنج تحت عنوان الثقافي
صرلو سنين هيك منيمينو	ولو ما نفيقو بيضل غافي

«وبصرف ونحو» كانوا ساجنينو وساعة ما صدر حكمو زجلنا
صفي حُرَّ عا دروب القوافي

الشاعر بيكتب بالقصيده جمعيتين
ومن قبل ما اسأل حدا فهمت الجواب
الشعر اللي جايي لهون قولو يا حباب
كل وج مصوّر قبالي كتاب
عشرين سنة يا «زين» اخوه مش صحاب
وقلبي تا يجمع بينكن «عز» الشباب
بتشهد عليي لو لها تم الخشاب
ولا للمجاعة كنت عم بحسب حساب
ولا قصدت غاب وخفت فيها سبع غاب
لكن إذا شاعر علي المنبر وخاب
قولو معي يا بعاد عني والقراب
الله يرحم كل شاعر بالتراب

السامع بي فهم شو انكتب بدقيقتين
وهلق رح بثبت كلامي بكلمتين
عاجبينكم عم ينقرا عالميلتين
وكل نظره فوق منها جملتين
انت و«عبد» بالروح واحد مش تنين
من العبد شال «العين» ومن الزين «زين»
عشرين سنة ما زعلت فيهم تكتين
لو كنت ما شفت الرغيف بليلتين
وحد العقارب كنت اغفى ساعتين
بطلّع عليه بعين وبدمّع بعين
بيطلعنا بشهر الدعى هالدعوتين
والله يحفظ كل شاعر بالدني

وينهي التحدي بين «عبد» وبين «زين»

جان رعد